



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-433-15/22**

Datum: **27.01.2023. god**

„Agencija za vodno područje rijeke Save“ Sarajevo rješavajući po zahtjevu investitora JKP „Komunalac“ d.o.o. Tuzla za izdavanje vodne dozvole za aktivnost saniranja i zatvaranja sanitarne deponije „Desetine“, odnosno, za aktivnost ispuštanja tehnoloških otpadnih voda nastalih na lokaciji deponije „Desetine“ Tuzla u površinske vode, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98, 48/99 I 61/22) d o n o s i

ZAKLJUČAK

Odbacuje se zahtjev investitora JKP „Komunalac“ d.o.o. Tuzla za izdavanje vodne dozvole za aktivnost saniranja i zatvaranja sanitarne deponije „Desetine“, odnosno, za aktivnost ispuštanja tehnoloških otpadnih voda nastalih na lokaciji deponije „Desetine“ u površinske vode, zbog nepotpunosti dokumentacije i smatra se kao da nije ni podnesen.

O b r a z l o ž e n j e

Na zahtjev Investitora JKP „Komunalac“ d.o.o. Tuzla dana 29.08.2022. godine pokrenut je postupak za izdavanje vodne dozvole za aktivnost saniranja i zatvaranja deponije Desetine, odnosno, za aktivnost ispuštanja tehnoloških otpadnih voda nastalih na lokaciji deponije „Desetine“ u površinske vode.

Uz zahtjev je dostavljena slijedeća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Rješenje o odobrenju za upotrebu, broj: 02/2-361-101/90 od 04.09.1990. godine izdato od strane Republičkog sekretarijata za prostorno uređenje i zaštitu okoline – kopija,
- Uvjerjenje o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-3203-2/14 od 20.05.2014. godine izdato od strane Uprave za indirektno-neizravno oporezivanje Banja Luka – kopija,
- Uvjerjenje o poreznoj registraciji od 17.04.2014. godine izdato od strane Kantonalnog poreznog ureda u Tuzli – kopija,
- Obavještenje o razvrstavanju pravnog lica prema klasifikaciji djelatnosti, broj: 07-32.5-91618/14 od 17.04.2014. godine izdato od strane Službe za statistiku za područje Tuzlanskog kantona – kopija,
- Rješenje o vodnoj dozvoli, broj: UP-I/25-3-40-727-8/17 od 05.02.2018. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj: 04/1-13-25-37399/17 od 24.01.2016. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Rješenje o okolinskoj dozvoli, broj: UP-I05/2-23-11-175/17 od 29.11.2019. godine izdato od strane Federalnog ministarstva okoliša i turizma – kopija,
- Dinamički plan ulaganja sredstava na saniranoj deponiji „Desetine“ u Tuzli vezano za zaštitu i regulaciju procjednih i oborinskih voda za period 2022.-2024. godine urađen od strane JKP Komunalac, juni 2022. godine,
- Zaključak o odbacivanju zahtjeva, broj: UP-I/25-3-40-093-6/19 od 17.05.2019. godine izdat od strane Agencije za vodno područje rijeke Save, Sarajevo – kopija,
- Ugovor o pružanju usluga potpisan sa „Kemeko“ d.o.o. Lukavac, od 24.08.2022. godine – kopija,

- Elaborat i ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za JKP Komunalac Tuzla, „Deponija Desetine“ urađen od strane Instituta za hemijsko inženjerstvo Tuzla, februar 2022. godine,
- Elaborat i ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za JKP Komunalac Tuzla, „Deponija Desetine“ urađen od strane Instituta za hemijsko inženjerstvo Tuzla, maj 2022. godine,
- Elaborat i ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za JKP Komunalac Tuzla, „Deponija Desetine“ urađen od strane Instituta za hemijsko inženjerstvo Tuzla, novembar 2021. godine,
- Elaborat i ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za JKP Komunalac Tuzla, „Deponija Desetine“ urađen od strane Instituta za hemijsko inženjerstvo Tuzla, august 2021. godine,
- Izvještaj o rezultatima ispitivanja tereta zagađenja otpadnih voda preduzeća JKP Komunalac Tuzla „Deponija Desetine“ izraženog preko EBS-a urađen od strane Instituta za hemijsko inženjerstvo Tuzla, juni 2020. godine,
- Projekat izvedenog stanja vanjskih hidroinstalacija sakupljanja, tretmana i ispuštanja otpadnih voda i načina vodosnabdijevanja sanitarne deponije „Desetine“ urađen od strane TQM d.o.o. Lukavac, januar 2023. godine,
- Dokaz o uplaćenju federalnoj upravnoj pristojbi na zahtjev

Nakon prijema i pregleda dostavljene dokumentacije Agencija se aktom broj:UP-1/21-3-40-433-2/22 od 05.09.2022. godine obratila investitoru sa zahtjevom da u skladu sa odredbama „Zakona o vodama („Službene novine Federacije BiH“, broj 70/06.), Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), Uredbe o uslovima ispuštanja otpadnih voda u okoliš i sisteme javne kanalizacije, u obavezi da Agenciji dostavite slijedeće očitovanje tj.

- da stranka pojasni aktivnost za koje je podnijela zahtjev za izdavanje Rješenja o vodnoj dozvoli, tj. odnosi li se to na sanaciju i zatvaranje dijela deponije, otvaranje nove deponije ili novih ploha za odlaganje otpada sa pratećim objektima i sadržajima i/ili kompletno zatvaranje sanitarne deponije „Desetine“ i/ili prelazak na novu lokaciju na kojoj bi se vršilo sanitarno odlaganje otpada u skladu sa legislativom, uzusima i standardima struke. Naime, stranci je izdato Rješenje o vodnoj dozvoli, broj: UP-I/25-3-40-727-8/17 od 05.02.2018. godine za ispuštanje tehnoloških (industrijskih) otpadnih voda nastalih na lokaciji sanitarne deponije „Desetine“, naselje Rasovac, općina Tuzla, kapaciteta 2,9 miliona m³, za odlaganje kućnog i sanitarnog otpada sa reciklažnim postrojenjem. Isto je izdato u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije, sa rokom važenja do 09.01.2019. godine i pod određenim uslovima.

Stranka se Agenciji obraćala sa zahtjevom za izdavanje rješenja o vodnoj dozvoli za ispuštanje tehnoloških otpadnih voda nastalih na lokaciji sanitarne deponije „Desetine“, Grad Tuzla i vaš zahtjev je zbog nepotpunosti dokumentacije, odbačen Zaključkom, broj: UP-I/25-3-40-093-6/19 od 17.05.2019. godine.

Investitor se aktom broj: 01-1645/22-2 od 26.09.2022. godine obratio Agenciji i u istom je pojasnio, obrazložio te dao svoje pismeno očitovanje na prethodne upite postavljene od strane Agencije.

Investitor je aktom broj: 01-1893/22-2 od 25.10.2022. godine obavijestio Agenciju da je usvojen novi regulacioni plan a što mijenja dalje aktivnosti vezane za sanaciju deponije „Desetine“. U tom smislu, a u cilju izbjegavanja eventualnih nesporazuma predloženo je da se organizuje sastanak. Dana 03.11.2022. godine u prostorije AVP Sava organizovan je sastanak na kojem su prisustvovali: rukovodilac RJ „Deponovanje i upravljanje čvrstim otpadom“ i šefica Odjela pravnih i kadrovskih poslova JKP „Komunalac“ d.o.o. Tuzla.

Nakon uvodne pro memorije na prethodno izdato Rješenje o vodnoj dozvoli, prethodne Zaključke o odbijanju zahtjeva za izdavanje Rješenja o vodnoj dozvoli zaključeno je da će Agenciji proslijediti podatke i informacije koje proističu iz usvojenog Regulacionog plana, a tiču se aktivnosti na sanaciji i zatvaranju deponije „Desetine“.

Aktom broj: 01-2126/22 od 15.11.2022. godine JKP „Komunalac“ d.o.o. Tuzla je dostavio izjašnjenje povodom zahtjeva za izdavanje Rješenja o vodnoj dozvoli za aktivnosti saniranja

deponije „Desetine“. U izjašnjenju stoji da je eksploatacija sanitarne deponije „Desetine“ Tuzla predviđena do mjeseca decembra 2024. godine. Nakon završetka eksploatacije na trenutnoj odlagališnoj plohi planirana je faza proširenja deponije južno od postojećeg kruga deponije, ispod tzv. male brane deponije, odnosno predmetna lokacija je predviđena za odlaganje čvrstog otpada Prostornim planom Tuzlanskog kantona 2020.-2025. godine. Od Agencije je zatraženo da da upute u dalje korake ka konačnom ishodu vanjskog uređenja vodne dozvole.

Agencija je aktom broj: UP-1-21-3-40-433-11/22 od 24.11.2022. godine povodom zahtjeva za izdavanje Rješenje o vodnoj dozvoli za aktivnost saniranja, zatvaranja i kontinuiranog odlaganja otpada do mjeseca decembra 2024. godine na deponiju „Desetine“, odnosno, za aktivnost ispuštanja tehnoloških otpadnih voda nastalih na lokaciji deponije „Desetine“ Tuzla u površinske vode od investitora zatražila dopunu podneska sa slijedećim:

- Rješenje o izdavanju dozvole za upravljanje otpadom, izdato od strane nadležnog organa.
- U skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20) potrebno je bilo da se dostavi detaljan dinamički plan koji treba da sadrži:

- Spisak aktivnosti i mjera sa finansijskom procjenom za ulaganje i smanjanje emisija sa predviđenim završetkom aktivnosti, a u cilju zadovoljavanja uvjeta za ispuštanje tehnoloških otpadnih voda u skladu sa Uredbom,

- Rokove u kojima će pravni subjekt realizirati pojedine aktivnosti (pripremne radnje, pribavljanje odobrenja iz oblasti građenja uključujući i odgovarajuće vodne akte i slično), te rok u kome mora realizirati radove na sistemu za prikupljanje, tretman i ispuštanje tehnoloških otpadnih voda u prirodni recipijent ili sistem javne kanalizacije, a sve u skladu sa projektnom dokumentacijom koju je neophodno uraditi:

Glavni projekat sadržaja i objekata deponije „Desetine“- hidro faza tj. projektnu dokumentaciju postojećeg stanja vanjskog uređenja prostora deponije Desetine (uključujući postojeće i planirane sadržaje i postrojenja) na nivou glavnog projekta sa mjerama za sprječavanje negativnih uticaja predmetnog pogona na režim voda i režima voda na predmetnu lokaciju.

Glavni projekat prikupljanja, transporta, način tretmana i mjesto ispuštanja tehnoloških otpadnih voda nastalih na lokaciji deponije „Desetine“, Grad Tuzla. U projektnoj dokumentaciji neophodno je bilo dati adekvatna obrazloženja za primjenu odgovarajuće tehnologije tretmana tehnoloških otpadnih voda iz deponije vodeći računa da kvalitet efluenta obavezno mora da zadovolji zahtjeve o MDK parametara kvaliteta definisanih u Uredbi. Postizanje i održavanje vrijednosti zahtijevanih parametara na izlazu iz postrojenja moraju se garantirati od strane projektanta i isporučioa opreme.

Projektna dokumentacija je trebala biti urađena od strane pravnog lica koje ima ovlaštenje pribavljano od strane Federalnog ministarstva poljoprivrede, vodoprivrede i šumarstva (lista „A“), i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj.

Predmetna projektna dokumentacija morala je biti usklađena sa prostorno planskom dokumentacijom i razvojnim planaovima Grada Tuzla.

Krajnji rok za dostavljanje tražene dokumentacije bio je 12.12.2022. godine.

JKP Komunalac se obratio aktom broj: 01-2316/22 od 14.12.2022. godine sa zahtjevom za prolongiranje roka za dostavljanje tražene dokumentacije za period od 30 dana.

Agencija je rok za dostavljanje tražene dokumentacije prolongirala do 20.01.2023. godine.

Investitor je uz akt broj: 01-96/23 od 19.01.2023. godine dostavio dokumente tražene aktom Agencije broj: UP-1/21-3-40-433-11/22 od 24.11.2022. godine. Uvidom u sadržaj Projekta izvedenog stanja vanjskih hidroinstalacija sakupljanja, tretmana i ispuštanja otpadnih voda i načina vodosnabdijevanja sanitarne deponije „Desetine“ koji je urađen od strane TQM d.o.o. Lukavac, januar 2023. godine konstatujemo da je istim obuhvaćena postojeća izgrađena infrastruktura na deponiji Desetine (sa svim postojećim sadržajima), odnosno nije napravljen iskorak sa slijedećim planiranim sadržajima, objektima hidro faze na novoj plohi, te sve planirane aktivnosti na sanaciju i zatvaranju sanitarne deponije „Desetine“, Grad Tuzla. Iz predmetne projektne dokumentacije nije moguće sagledati naredne korake i aktivnosti i nije moguće napraviti detaljan dinamički plan koji treba da sadrži: spisak aktivnosti i mjera sa finansijskom procjenom za ulaganje i smanjanje emisija

sa predviđenim završetkom aktivnosti, a u cilju zadovoljavanja uvjeta za ispuštanje tehnoloških otpadnih voda u skladu sa Uredbom i rokove u kojima će pravni subjekt realizirati pojedine aktivnosti (pripremne radnje, pribavljanje odobrenja iz oblasti građenja uključujući i odgovarajuće vodne akte i slično) te rok u kome mora realizirati radove na sistemu za prikupljanje, tretman i ispuštanje tehnoloških otpadnih voda u prirodni recipijent ili sistem javne kanalizacije. Dostavljena predmetne projektna dokumentacija može poslužiti kao osnova za naredne korake i aktivnosti a koji će se ogledati u izradi projektne dokumentacije za sanaciju i zatvaranje sanitarne deponije "Desetine" sa izgradnjom dodatne plohe za sanitarno odlaganje otpada do kraja 2024. godine. Kako podnosilac zahtjeva nije dopunio podnesak u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama („Službene novine Federacije BiH“, broj 70/06) člana člana 67. stav (2) Zakona o upravnom postupku, riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr.sc. Selma Merdan, dipl.inž.geol.

Prilog: Tehnička dokumentacija dostavljena uz zahtjev za izdavanje rješenja

**Po ovlaštenju
Rukovodilac Sektora za izdavanje vodnih akata**



Haris Ališehović, dipl. ing.građ.

Dostaviti:

- JKP "Komunalac" d.o.o.
Husinskih rudara b.b., 75000 Tuzla, (sa priložima),
- AVP Sava, ISV – Vodna knjiga,
- Org.jed. 40 – Arhiva,
- AVP Sava – Oglasna ploča